

# UGOVOR

## o isporuci roba

### I UGOVORNE STRANE

#### **KJP „ZOI'84“ OCS d.o.o.**

Sjedište: Alipašina bb, 71000 Sarajevo  
Kojeg zastupa direktor mr. Midhat Hubijar  
Identifikacijski broj: 4200347000004  
(u daljem tekstu: Kupac )

i

#### **Zvuk i slika d.o.o. Sarajevo**

Sjedište: Trg djece Sarajeva 1  
Kojeg zastupa Mahir Kaltak  
Identifikacijski broj: 4201723800005  
Identifikacijski broj obveznika PDV-a: 201723800005  
Transakcijski broj banke, ime i sjedište banke: 1610000101850011 Raiffeisen Bank d.d. BiH  
(u daljem tekstu: Prodavac)

### II PREDMET UGOVORA

#### Član 1.

Predmet ovog ugovora je nabavka računarske opreme za potrebe KJP ZOI'84 OCS d.o.o. Kupca prema Ponudi Prodavca broj: I08-002-146/2017 od 24.04.2017. godine, koji su u prilogu ovog ugovora i čine njegov sastavni dio.

#### Član 2.

Predmet ugovora obuhvata isporuku MacBook Air 13" i5 1.6GHz/4GB/128GB SSD/HD, prenosnog računara na adresu Kupca ili preuzimanje u ovlaštenom prodajnom mjestu Prodavca:

#### Član 3.

Prodavac je naročito dužan:

- navedenu opremu isporučiti na lokaciji, ili u ovlaštenom prodajnom mjestu Prodavca testirati i pustiti u rad;
- u garantnom roku pružiti sljedeći nivo servisnih usluga:
- odazvati se na zahtjev kupca u slučaju potreba za intervencijom prodavca na lokaciji kupca ili u prodajnom mjestu prodavca u roku od 24 sata. Prilikom dolaska na lokaciju prodavac je dužan obezbijediti zamjenski računar (ili ako je moguće dio) ukoliko nije u stanju da na licu mjesta otkloni hardverski problem na računaru koji ga čini neupotrebljivim;
- vrijeme između prve intervencije prodavca na lokaciji kupca i konačnog otklanjanja problema u roku od manje od 7 dana. Pod otklanjanjem problema se podrazumijeva i zamjena privremenom opremom istih karakteristika;
- nakon isteka garantnog roka, prodavac je dužan osigurati postojanje servisa i rezervnih dijelova za isporučenu opremu minimalno u trajanju od 5 godina, što će biti predmet eventualnog naknadnog ugovaranja na godišnjem nivou;
- pod vremenom obezbjeđivanja servisnih usluga se podrazumijeva period ponedjeljak – petak od 8 do 16 sati osim zvaničnih državnih praznika na području na kome se nalazi korisnik.

### **III CIJENA I NAČIN PLAĆANJA**

#### **Član 4.**

(1) Ukupna vrijednost predmetnog ugovora iznosi 1.623,93 KM (slovima: jednuhiljadušeststotinadvadesetri i 93/100 konvertibilnihmaraka) bez uključenog PDV-a, odnosno 1.900,00 KM (slovima: jednuhiljadudevetstotina i 00/100 konvertibilnihmaraka) sa uključenim PDV-om.

(2) U cijenu iz stava (1) ovog člana su uključeni troškovi nabavke, isporuke, testiranja i puštanja predmeta ugovora u rad.

#### **Član 5.**

(1) Kupac će izvršiti plaćanje najkasnije 5 dana od dana prijema fakture Prodavca.

(2) Prodavac će ispostaviti fakturu nakon isporuke, testiranja i puštanja u rad predmetnih roba i kvalitativnog i kvantitativnog prijema istih od strane Kupca.

### **IV NAČIN I ROK REALIZACIJE UGOVORA**

#### **Član 6.**

Prodavac se obavezuje da u roku od 5 pet dana od dana potpisivanja ovog ugovora, isporuči, testira i pusti u rad robe koji su predmet ovog ugovora.

#### **Član 7.**

O eventualnim nedostacima u količini i kvalitetu predmetne nabavke Kupac će Prodavca izvijestiti odmah, a najkasnije u roku od sedam dana od dana puštanja robe u rad.

#### **Član 8.**

(1) Garancija za predmetne robe je 12 mjeseci.

(2) Garantni rok počinje teći od dana kvalitativnog i kvantitativnog prijema predmetne robe.

### **V STUPANJE NA SNAGU I RJEŠAVANJE SPOROVA**

#### **Član 9.**

(1) Ovaj ugovor stupa na snagu danom obostranog potpisivanja od strane ovlaštenih lica ugovornih strana.

(2) Ukoliko Prodavac ne bude u roku i na ugovoren način izvršio sve ugovorene obaveze, dužan je za svaki propust i/ili svaki započeti dan kašnjenja u izvršenju ugovora isplatiti Kupcu iznos od 20,00 KM, a najviše do 10% od ukupno ugovorenog iznosa.

#### **Član 10.**

Svaka ugovorna strana može pokrenuti postupak raskida ugovora ako druga strana ne izvršava ugovorene obaveze, uz otkazni rok od 15 dana.

#### **Član 11.**

Eventualno nastale sporove pri realizaciji ovog ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

### **VI OSTALE ODREDBE**

#### **Član 12.**

Prodavac nema pravo da, u svrhu izvršenja ovog ugovora, zapošljava fizičke ili pravne osobe koje su bile uključene u pripremu tenderske dokumentacije, ili su bile u svojstvu članova Komisije za javne nabavke, najmanje šest mjeseci po stupanju na snagu istog.

**Član 13.**

Za sve što nije regulirano ovim ugovorom primjenjivaće se odredbe propisa o obligacionim odnosima u Bosni i Hercegovini.

**Član 14.**

Punovažne i obavezujuće su samo one izmjene i dopune ovog ugovora koje su ugovorne strane sačinile sporazumno i u pisanoj formi.

**Član 15.**

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

**Za Prodavca**

**Za Kupca**

---

Mahir Kaltak, direktor Zvuk i slika  
d.o.o. Sarajevo

---

mr. Midhat Hubija, direktor  
KJP ZOI'84 OCS d.o.o.

Datum: 2017. godine

Datum: 2017. godine

Broj:

Broj: